

東平洲

密黃仔

患骨癌



唐狗黃仔20年來一直守護住東平洲，經常喺碼頭迎客。
互聯網



黃仔好似驚遊客行錯路，不時陪遊帶路。
互聯網



劉吳惠蘭因腸癌辭去商務及經濟發展局

位

於香港東北、猶如天涯海角嘅東平洲，除咗最為人熟悉嘅地質公園，仲有係島上土生土長，今年20歲嘅唐狗黃仔（又名金仔）。有好多訪客識得黃仔，皆因黃仔當正自己係島主，每逢假日有訪客坐船去東平洲遊山玩水，黃仔都會喺碼頭迎賓，仲會免費充當導遊，帶班遊客四圍睇石。仲驚遊客行錯路，不時陪遊客走足全程，仲去埋碼頭送船。

面部水瘤垂下

不過，最近復活節假期，有重遊東平洲嘅市民發覺唔見咗黃仔，打聽先知道黃仔原來骨癌惡化，送咗去愛護動物協會。愛協一直跟進黃仔個案，去過八次東平洲嘅波比話，黃仔從未離開過東平洲，陪佢坐船離開東平洲嗰陣，覺得黃仔好驚，要波比一直喺甲板陪住佢。愛協早兩日帶八方探黃仔，見到佢左邊面個水瘤垂咗落嚟，影響到左眼滿佈血絲。但攤咗喺個籠裏面，睇落有神有氣，同網上睇到佢喺碼頭迎接訪客個樣完全係兩個樣。

其實早喺08年愛協已收到報料，話黃仔塊面有個腫瘤，派員到島上檢查後，認為只係水瘤，唔係惡性瘤。當

時考慮到黃仔年紀唔細，又從未離開過東平洲，唔想黃仔舟車勞頓出市區做手術。

愛協檢核部總監何子棠話，黃仔唔係流浪狗，原先居住喺島上嘅村長毛伯係佢主人，同樣因年紀大搬走咗，毛伯近年去世。生前將黃仔同佢另一隻狗兄弟肥黃，簽定授權書畀愛協，一旦阿黃兩兄弟有絕症，唔想佢哋咁辛苦，可以人道毀滅。

相當人類100歲

喺東平洲開士多嘅鄒小姐帶埋個女去探黃仔。佢話黃仔睇見佢哋好開心，食晒帶去嘅罐頭。黃仔仲同佢哋玩咗幾個鐘。佢話好唔捨得黃仔，真係好想帶佢返東平洲。不過獸醫話以黃仔嘅病情，好難再返家鄉。

愛協首席獸醫桂珍 Jane Gray 話，年老嘅黃仔最大問題唔係個水瘤，而係骨癌。睇見佢痛到唔想食嘢，只能盡量同佢打止痛針。Jane 亦係愛狗之人，送別過愛犬離世，佢話黃仔年齡咁大，仲埋埋癌症，隨時終老，但係黃仔已年逾20歲，相當於人類100歲，算係長命百歲。



飽受癌病苦痛嘅黃仔可能要喺愛護動物協會終老。
凌樹輝攝



愛協首席獸醫桂珍話黃仔最大問題係骨癌。

蘋果網睇片 www.appledaily.com.hk

pf_lee@appledaily.com



吳永皓是俞家雲掌傳人，徒子徒孫繼承衣鉢，也青出於藍。53歲的吳永皓，13歲隨余卓男學書法、文章，余師傅見